

Mesej Dua Belas
Pemberi Berian
dan Konstituen Baju Zirah Tuhan

Bacaan Bible: Ef. 4:7-16; 6:10-20

- I. Efesus 4:7-16 membentangkan kepada kita Kristus sebagai Pemberi berian untuk pembinaan intrinsik Tubuh Kristus yang organik; pembinaan ini tercapai melalui pemberian, pendispenan, kurnia divin menurut ukuran berian Kristus:**
- A. Setiap anggota Tubuh Kristus ialah berian yang tidak boleh kurang bagi Tubuh—ay. 7; 1 Kor. 12:14-22; Roma 12:4-5:
1. Berian Kristus merupakan orang yang dikonstitusikan dengan hayat dan elemen Kristus yang didispenkan ke dalamnya oleh Trinitas Divin—bd. 2 Kor. 1:15.
 2. Setiap orang yang mempunyai berian mempunyai ukurannya, dan kurnia divin diberikan, didispenkan, ke dalamnya menurut ukuran itu—Ef. 4:16; bd. Roma 12:3.
- B. Pembinaan intrinsik Tubuh Kristus yang organik adalah melalui Kristus sebagai Kepala dalam kenaikan-Nya ke syurga (termasuk kebangkitan-Nya), memberi orang yang mempunyai berian khusus, seperti dutus, penyabda, penginjil, dan gembala dan pengajar, kepada Tubuh Kristus; mereka ini dikonstitusikan oleh pendispenan Trinitas Divin—Ef. 4:8-12:
1. Efesus 4:8 berkata, “Dalam kenaikan-Nya ke puncak tinggi, Dia menawan orang yang telah ditawan dan memberikan berian kepada manusia”:
 - a. *Puncak tinggi* yang dipetik daripada Mazmur 68:18 merujuk kepada Gunung Zion (ay. 15-16) yang melambangkan syurga ketiga, tempat huni Tuhan (1 Raj. 8:30).
 - b. Mazmur 68 mengimplikasikan bahawa Tuhan naik ke Gunung Zion dalam Tabut selepas Tabut mencapai kemenangan (Bil. 10:35); ini menggambarkan bagaimana Kristus mencapai kemenangan dan naik ke syurga-syurga dengan menang gemilang.
 - c. Menerusi perjalanan universal Kristus dan dalam kenaikan-Nya ke syurga, Kristus menawan orang yang telah ditawan oleh Syaitan dan menjadikan mereka berian kepada Tubuh-Nya—Ef. 4:8-11:
 - 1) Pekudus yang ditebus dahulunya ditawan oleh Syaitan sebelum mereka diselamatkan melalui kematian dan kebangkitan Kristus —bd. Luk. 4:18.
 - 2) Dalam kenaikan-Nya ke syurga, Kristus menawan mereka, iaitu menyelamatkan mereka daripada penawanan Syaitan dan membawa mereka kepada diri-Nya—Mzm. 68:18.
 - 3) Dalam kenaikan-Nya ke syurga, Kristus memimpin mereka sebagai orang yang telah ditawan-Nya dalam barisan musuh-Nya yang tertewas ke syurga-syurga dan menjadikan mereka berian kepada Tubuh-Nya.
 - 4) Kini Kristus sedang meraikan kemenangan gemilang-Nya atas mereka, iaitu barisan musuh-Nya yang tertewas, dan memimpin mereka sebagai tawanan-Nya dalam perarakan kemenangan gemilang, dalam pergerakan-Nya demi ministri-Nya untuk membina Tubuh-Nya—2 Kor. 2:14.
 2. Semakin banyak Kristus naik dan turun dalam kita, menawan dan menewaskan kita, semakin Dia memenuhi kita dengan diri-Nya untuk mengkonstitusikan kita sebagai berian kepada Tubuh-Nya—bd. Ef. 4:9-10.

Mesej Dua Belas (sambungan)

- C. Pembinaan intrinsik Tubuh Kristus yang organik adalah melalui orang yang mempunyai berian khusus menyempurnakan para pekudus dalam pendisipenan divin supaya semua pekudus dapat melakukan kerja ministri Wasiat Baru, iaitu membina Tubuh Kristus—ay. 11-12:
1. Orang yang mempunyai berian khusus menyempurnakan pekudus dengan mengkhiasiati mereka menurut pohon hayat berserta bekalan hayat demi pertumbuhan mereka dalam hayat—Kej. 2:9; 1 Kor. 3:2, 6.
 2. Orang yang mempunyai berian khusus menyempurnakan pekudus agar para pekudus juga melakukan hal yang dilakukan mereka untuk membina Tubuh Kristus secara langsung—Mat. 16:18; Ef. 4:11-12; bd. 1 Tim. 1:16; 4:12.
 3. Hasil penyempurnaan ini ialah kita semua sampai ke tahap kesatuan kepercayaan dan kesatuan pengetahuan penuh terhadap Anak Tuhan, ke tahap manusia penuh dewasa, dan ke tahap ukuran statur bagi kepenuhan Kristus—Ef. 4:13; bd. Yoh. 17:23.
 4. Penyempurnaan sebegini akan menjadikan kita bukan lagi anak-anak kecil yang diumbang-ambingkan oleh ombak dan terbawa-bawa oleh setiap angin ajaran dalam tipu muslihat manusia, dan dalam kelicikan yang membawa kepada sistem kesesatan kesyaitanan—Ef. 4:14.
 5. Penyempurnaan sebegini akan menjadikan setiap anggota Tubuh Kristus ini anggota yang membina dalam kasih—bertumbuh ke dalam Kepala dan berfungsi daripada Kepala—ay. 15-16.

II. Efesus 6:10-20 mewahikan bahawa Kristus ialah konstituen baju zirah Tuhan:

- A. Baju zirah lengkap Tuhan adalah untuk seluruh Tubuh Kristus yang merupakan pejuang korporat, bukan untuk mana-mana anggota individu Tubuh; kita harus berjuang dalam peperangan rohani dalam Tubuh, bukan sebagai individu—ay. 10-13; Yak. 4:7; bd. Roma 13:12-14; Ul. 32:30.
- B. Dalam Efesus 2, kita duduk bersama dengan Kristus dalam kesyurgaan untuk berbahagian dalam segala yang disempurnakan-Nya (ay. 6); dalam bab 4 dan 5, kita bergerak-hidup dalam Tubuh-Nya di bumi untuk menggenapkan tujuan abadi Tuhan (4:1, 17; 5:2, 8, 15); kemudian dalam bab 6, kita berdiri dalam kudrat-Nya dalam kesyurgaan untuk berperang dengan musuh Tuhan (ay. 11, 13-14; bd. 1 Yoh. 5:4, 18; Yoh. 3:6b).
- C. “Oleh itu, berdirilah, setelah mengikat pinggangmu dengan kebenaran”—Ef. 6:14a:
1. *Kebenaran* di sini merujuk kepada Tuhan dalam Kristus menjadi realiti dalam kehidupan kita, iaitu Tuhan direalisasikan dan dialami dalam kehidupan kita; ini sebenarnya Kristus sendiri dihidup keluar daripada kita—4:15, 21, 24-25; Yoh. 14:6; 8:31-32, 36.
 2. Kebenaran yang kita ikat pada pinggang sebenarnya ialah Kristus yang kita alami; oleh sebab kehidupan Paulus dikonform kepada teladan Kristus, dia mempunyai kekuatan untuk menghadapi semua tentangan dan keadaan yang buruk—Ef. 4:20-21; Flp. 1:19-21a.
- D. “Setelah memakai perisai dada keadilbenaran”—Ef. 6:14b; 1 Kor. 1:30; Yer. 23:6:
1. Kristus sebagai perisai dada keadilbenaran menutup zimah kita yang dilambangkan oleh dada; semasa berjuang menentang Syaitan, penuduh kita, kita memerlukan zimah yang telah disucikan oleh darah, zimah yang tanpa kesalahan—Ibr. 9:14; 10:22; Kis. 24:16.
 2. “Mereka telah jayeng atasnya kerana darah Anak Domba” (Wahi 12:11); respons kita terhadap tuduhan Syaitan seharusnya ialah, “Saya jayeng atas Syaitan,

Mesej Dua Belas (sambungan)

penuduh itu, bukan melalui kesempurnaan saya bahkan bukan melalui zimah yang tanpa kesalahan, tetapi melalui darah Anak Domba; saya menentang tuduhannya dengan menggunakan perisai dada keadilanbenaran.”

- E. “Setelah memakaikan kasut pada kakimu dengan asas teguh bagi injil perdamaian”—Ef. 6:15:
1. Di atas salib, Kristus telah mewujudkan perdamaian untuk kita, baik dengan Tuhan mahupun dengan manusia, dan perdamaian ini telah menjadi injil kita; injil perdamaian ini ditubuhkan sebagai asas yang teguh, sebagai kesediaan untuk dipakaikan pada kaki kita—2:13-17.
 2. Kita berperang dalam peperangan rohani dengan berdiri dalam perdamaian; jika kita kehilangan perdamaian antara kita dengan Tuhan atau antara kita dengan percayawan lain, kita akan kehilangan tapak pendirian—Kol. 3:15.
- F. “Selain semua ini, setelah mengangkat perisai iktikad yang dengannya kamu akan dapat memadamkan segala panah berapi daripada iblis”—Ef. 6:16; 2 Kor. 4:13; Ibr. 12:2:
1. Panah berapi ialah godaan, usul, keraguan, persoalan, pembohongan, dan serangan Syaitan; kita perlu mengangkat perisai iktikad untuk memadamkan panah berapi ini.
 2. Kita perlu melatih roh iktikad kita serta tekad kita yang ditundukkan dan dibangkitkan, untuk percaya bahawa manifestasi Tuan adalah untuk menghapuskan kerja-kerja iblis—1 Yoh. 3:8; Mat. 16:22-23; Luk. 4:39-41; Mat. 12:28; Luk. 10:17, 19.
 3. Kita perlu melatih roh iktikad kita untuk percaya bahawa kematian Tuan telah menghapuskan Syaitan—Ibr. 2:14; Kej. 2:17; 3:15; Gal. 2:20; Roma 6:3-6; 1 Kor. 15:54-58.
 4. Kita perlu melatih roh iktikad kita untuk percaya bahawa kebangkitan Tuan telah mengaibkan Syaitan—Kol. 2:12-15, 20; 3:1; Yoh. 14:30; Flp. 3:10; Yes. 61:10; Za. 3:4-5.
 5. Kita perlu melatih roh iktikad kita untuk percaya bahawa kenaikan Tuan ke syurga jauh mengatasi kudrat Syaitan—Ef. 1:19-23; 2:6; 6:11, 13.
 6. Kita harus percaya kepada Tuhan yang benar, hidup, maha hadir, dan sedia ada—Mrk. 11:22; Wahi 1:18.
 7. Kita harus percaya kepada hati Tuhan; hati Tuhan sentiasa baik terhadap kita; Dia tidak ada niat hendak menghukum kita, mencederakan kita, atau menyebabkan kita menderita kerugian—Roma 8:28-39.
 8. Kita harus percaya kepada kesetiaan Tuhan; Tuhan tidak dapat berdusta, Dia sentiasa setia kepada sabda-Nya—1 Kor. 1:9; 1 Yoh. 1:9; Tit. 1:2.
 9. Kita harus percaya kepada keupayaan Tuhan—Ef. 3:20.
 10. Kita harus percaya kepada sabda Tuhan; Tuhan terikat untuk menggenapkan segala yang telah dibicarakan-Nya—bd. 1 Tes. 5:24; Ef. 6:17-18.
 11. Kita harus percaya kepada kehendak Tuhan—1:5, 9, 11.
 12. Kita harus percaya kepada ketentuan Tuhan; di bawah ketentuan-Nya, bahkan kesilapan kita bekerja bersama demi kebaikan kita—Roma 9:19-29.
- G. “Terimalah topi waja penyelamatan”—Ef. 6:17a:
1. Topi waja penyelamatan adalah untuk melindungi minda kita, akal kita, daripada fikiran negatif yang dipanahkan oleh yang jahat itu; topi waja, iaitu pelindung ini, ialah penyelamatan Tuhan.

Mesej Dua Belas (sambungan)

2. Syaitan menyuntikkan ancaman, kebimbangan, kekhuatiran, ketakutan, dan fikiran lain yang melemahkan kita ke dalam minda kita; penyelamatan Tuhan ialah pelindung yang kita ambil untuk menentang semua ini dan penyelamatan sedemikian ialah Kristus yang menyelamatkan, yang kita alami dalam kehidupan harian kita—Yoh. 16:33; Flp. 1:19; Roma 5:10; 10:12-13.
- H. Terimalah “pedang Roh itu, Roh itu ialah sabda Tuhan”—Ef. 6:17b:
1. Antara keenam-enam kelengkapan baju zirah Tuhan, hanya pedang Roh itu yang digunakan untuk menyerang musuh; dengan pedang, kita menetak-netak musuh.
 2. Kristus sebagai Roh itu dan sabda dapat melengkapi kita dengan pedang sebagai senjata penyerang untuk mengalahkan dan membunuh musuh.
 3. Apabila *logos* (sabda sepanjang masa dalam Bible) menjadi *rhema* (pembicaraan Roh itu yang semasa, pada ketika itu, dan hidup) kepada kita, *rhema* ini akan menjadi pedang yang menetak-netak musuh—bd. Yoh. 6:63.
- I. “Melalui segala doa dan permohonan, berdoa pada setiap masa dalam roh dan berjaga-jaga tentang hal ini dengan segala keteguhan yang berterusan, dan memohon untuk semua pekudus”—Ef. 6:18:
1. Doa boleh dianggap sebagai butir ketujuh bagi baju zirah Tuhan, kerana doa ialah sarana yang melaluinya kita mengaplikasikan kelengkapan yang lain.
 2. Doa merupakan satu-satunya cara untuk mengaplikasikan Kristus sebagai baju zirah Tuhan; doalah yang menjadikan baju zirah tersedia bagi kita secara praktikal.